



Akraneskaupstaður

SAMNINGUR UM REKSTUR OG SAMSKIPTI AKRANESKAUPSTAÐAR OG ÍPRÓTTABANDALAGS AKRANESS

1. gr.

Akraneskaupstaður og Íþróttabandalag Akraness (ÍA) eru sammála um að markmið samnings þessa sé að efla tengsl kaupstaðarins og ÍA í því skyni að íþróttastarf á Akranesi verði áfram þróttmikið, æsku og almenningi á Akranesi til heilla. Sérstök áhersla skal lögð á forvarna- og uppeldisgildi íþróttar og aukna samvinnu skólanna og íþróttahreyfingarinnar með fyrrnefndar áherslur í huga.

2. gr.

Akraneskaupstaður leggur áherslu á mikilvægi forvarnargildis og þjónustuhlutverks íþróttafélaganna gagnvart bæjarbúum á öllum aldri, en með sérstakri áherslu á unglunga og börn. Af hálfu íþróttahreyfingarinnar er áhersla lögð á skyldur hennar gagnvart bæjarbúum og þá sérstaklega unglingum og börnum m.a. með því að halda uppi fjölbreyttri íþróttar- og félagsstarfsemi vel rekinnna félaga. Með samningi þessum heitir ÍA því að gera sem flestum bæjarbúum kleift að stunda íþróttir m.a. með því að veita þeim greiðan aðgang að íþróttafélögum og því starfi sem fram fer á þeirra vegum hverju sinni í einstökum greinum. M.a. er það markmið ÍA eftirfarandi:

- Að stuðla að hollri og heilbrigðri hreyfingu bæjarbúa á öllum aldri.
- Að stuðla að því að bæjarbúar eigi án tillits til efnahags, kynferðis, kynþátta, trúarbragða, aldurs eða annarra félagslegra aðstæðna möguleika á þátttöku í æskulýðs- og íþróttastarfi.
- Að áhersla verði lögð á forvarnarstarf innan félaga ÍA og viðurkennd uppeldisleg gildi verði þar höfð að leiðarljósi.
- Að stuðla að heilbrigðri sál í hraustum líkama.

3. gr.

Akraneskaupstaður vill með samningi þessum tryggja að fjármunir sem lagðir eru til rekstrar íþróttahreyfingarinnar, íþróttamannvirkja Akraneskaupstaðar og framkvæmda á sviði íþróttamála nýtist sem best þeim bæjarbúum sem annars vegar stunda íþróttir sér til ánægju og heilsubótar og hins vegar til keppni.

4. gr.

Íþróttamannvirki Akraneskaupstaðar eru opin aðildarfélögum ÍA til afnota án endurgjalds fyrir alla almenna og viðurkennda íþróttastarfsemi í samræmi við íþróttalög nr. 64 frá 1998 og þær reglur sem gilda um notkun mannvirkjanna. Framlag Akraneskaupstaðar skal metið í ársreikningum bæjarins og viðurkennt sem framlag til íþróttamála. Að undanskilinni notkun leik- og grunnskóla er viðurkenndur forgangur íþróttafélaga innan ÍSÍ og ÍA. Að teknu tilliti til forgangs skólanna og

1
SÍB.
RA'



Akraneskaupstaður

Íþróttahreyfingarinnar er heimilt að leigja út tíma til almennings, fyrirtækja og annarra sem stunda vilja íþróttir. Aðilar eru sammála um að stuðla að sem mestri nýtingu íþróttamannvirkja Akraneskaupstaðar.

5. gr.

Aðilar eru sammála um að starfsfólk Akraneskaupstaðar, stjórn ÍA og aðildarfélög skuli hafa með sér náð og gott samstarf. Sérstök áhersla af beggja hálfu er á samvinnu milli þeirra aðila sem vinna að almennri velferð barna og unglunga. Á þetta m.a. við um framkvæmd ýmissa viðburða svo sem fræðslu- og forvarnarstarfs, viðburða, svo sem mótahalds félaga, innritunardags o.fl.

Sérstaklega skal hugað að samráði og samstarfi um sameiginlega hagsmuni vegna viðburða og verkefna á sviði „íþróttatengdrar ferðaþjónustu“, þar sem ætla má að gestir og ferðafólk komi á Akranes til að taka þátt í eða fylgjast með íþróttaviðburðum; kappleikjum eða íþróttamótum. Nefna má Norðurálmót, íþróttakappleiki og golf í þessu samhengi. Áhersla skal lögð á samstarf með það að markmiði að nýta sem best þau tækifæri og möguleika sem felast í viðburðum og verkefnum af þessum toga íþróttahreyfingunni og Akraneskaupstað til framdráttar. Akraneskaupstaður og ÍA skulu hafa sérstakan samráðshóp til að fjalla um þessi viðfangsefni og tryggja gott samstarf um verkefni er lúta að skipulagi og framkvæmd stærri móta og viðburða á þessu sviði. Í samráðshópnum skulu vera tveir fulltrúar frá hvorum aðila og skal félagi hagsmunaaðila í ferðaþjónustu á Akranesi einnig boðið að hafa fulltrúa sinn í hópnum.

6. gr.

Bæjarstjórn, nefndir kaupstaðarins, stjórn ÍA og stjórnir aðildarfélaga ÍA eru sammála um að eiga gott samstarf í því skyni að ná sem bestum árangri í þeim málum sem unnið er að. Mikilvægt er að hafa samráð um sameiginleg málefni þegar það á við.

7. gr.

Fjárhagslegur stuðningur Akraneskaupstaðar við ÍA og íþróttafélög innan ÍA er með eftirfarandi hætti:

- Rekstrarkostnaður íþróttahúsa og sundlauga kaupstaðarins.
- Rekstrarkostnaður æfinga- og keppnisvalla á Jaðarsbökkum.
- Árlegur rekstrarstyrkur til ÍA samkvæmt samningi þessum.
- Framlög til ÍA vegna sérstakra verkefna, sem um er samið í samningi þessum eða ákveðið að semja um síðar.
- Framlög Akraneskaupstaðar til íþrótt- og æskulýðsfélaga sbr. reglur: „Barna- og unglingastarf á Akranesi- viðmiðunarreglur“.
- Styrkir til félaga sem ná afburða árangri í samræmi við reglur þar um.
- Sérstakir rekstrarsamningar við íþróttabandalagið og einstök íþróttafélög innan ÍA.

2
SISA RA'



Akraneskaupstaður

- Sérstakir samningar um framkvæmdir á vegum ÍA eða félaga innan ÍA.
- Ráðstöfun fjármuna til uppbyggingar íþróttamannvirkja og tækjakaupa.

8. gr.

Akraneskaupstaður samþykkir að styrkja rekstur ÍA um kr. 3.000.000.- árlega á gildistíma samnings þessa. Íþróttabandalagið mun sinna eftirtöldum verkefnum á samningstímanum:

- Framkvæmd viðburða á Jónsmessu.
- Kjör íþróttamanns Akraness og veiting viðurkenninga til unglinga sem orðið hafa Íslandsmeistarar. Innifalið í þessum lið er gerð viðurkenningargripa til einstaklinga merktum Akraneskaupstað og ÍA.
- Skipulagning á fræðslu og viðburðum sem efla almennt heilbrigði bæjarbúa.
- Önnur verkefni sem samningsaðilar ákveða hverju sinni.

9. gr.

Akraneskaupstaður mun styrkja félög innan ÍA með rekstrarstyrkjum. Styrkuppghæðinni er úthlutað skv. fyrirliggjandi reglum „*Barna- og unglिंगastarf í tómsundum á Akranesi – viðmiðunarreglur*“.

Akraneskaupstaður mun áfram veita árlega fjárhæð til „*Tómstundaframlags*“ til að auðvelda þátttöku barna og ungmenna í félags- og íþróttastarfi og til stuðnings fjölskyldum á Akranesi. Upphæðir sem getið er um hér að neðan geta tekið breytingum við gerð fjárhagsáætlunar ár hvert.

Samningsár	Upphæð rekstrarstyrkja til aðildarfélaga ÍA og æskulýðsfélaga.	Tómstundaframlag og niðurgreiðslur til fjölskyldna.	Samtals styrkur til íþrótt- og æskulýðsfélaga og niðurgreiðslur til fjölskyldna.
Árið 2012	kr. 10.700.000.-	kr. 21.000.000.-	kr. 31.700.000.-
Árið 2013	kr. 10.700.000.-	kr. 21.000.000.-	kr. 31.700.000.-
Árið 2014	kr. 10.900.000.-	kr. 21.900.000.-	kr. 32.800.000.-

Styrkurinn deilist einnig til annarra æskulýðsfélaga samkvæmt sömu reglum og samningum þar um. Á Akranesi er ákjósanleg aðstaða til iðkunar íþróttar og útivistar. Bærinn hefur upp á mikla möguleika að bjóða en stefna bæjarstjórnar er að skapa útivistar- og íþróttasvæði sem bæjarbúar geta verið stoltir af til langrar framtíðar. Samningsaðilar eru sammála um að hafa niðurstöður „*Skýrslu starfshóps um uppbyggingu íþróttamannvirkja á Akranesi*“ að leiðarljósi á næstu árum og þá forgangsröðun sem þar er birt, nema um annað sé samið.

SYST. ³ RA'



Akraneskaupstaður

11. gr.

Samningur þessi gildir frá undirskrift hans til 31. desember 2015. Í tengslum við fjárhagsáætlanir Akraneskaupstaðar skulu aðilar taka upp viðræður um styrkfjárhæð ársins, hvort tilefni sé til breytinga á samningsfjárhæðum, sbr. 8. og 9. gr. hér að framan og e.a. efnislegar breytingar á samningnum. Viðræðunum skal lokið eigi síðar en 15. september ár hvert.

12. gr.

Við undirritun samnings þessa fellur úr gildi samningur aðila frá 3. maí 2009.

Samningur þessi er gerður í tveimur eintökum, eitt fyrir hvorn aðila.

Akranesi, 7/4 2014

F.h. Akraneskaupstaðar

F.h. Íþróttabandalags Akraness

Regína Ásvaldsdóttir, bæjarstjóri

Sturlaugur Sturlaugsson, formaður ÍA